

乾

象

通

鑑

乾象通鑑卷第十七

河間府克鮮進士

臣李季奉

聖旨編

五緯辰星論

辰星總序

辰星四時占

辰星行

辰星退行

辰星光色

芒角附

辰星林玉色

辰星與歲星相犯

辰星與熒惑相犯

辰星與鎮星相犯

辰星與太白相犯

辰星雜干犯

辰星與他星相犯

流星犯辰星

辰星總序

傳曰辰星北方冬水智也聰也智虧聰失逆冬令傷
水氣罰見辰星辰星見則主刑主廷尉燕趙代以
北宰相象之亦爲殺罰之氣戰鬪之象又曰軍於
野辰星爲偏將之象無軍爲刑事和陰陽應效不
效其時不和出失其時寒暑失節邦當大饑當出
不出是謂擊卒兵大起在於房心間地動亦曰辰星出
入躁疾常主夷狄又曰蠻夷之星也亦主刑法之
得失色黃而小地大動光明與月相遠其國大水

辰星四時占

天文星經曰人君當冬時宜順冬令謹蓋藏循行積聚毋有不歛坯城郭戒門閭修鍵閉備邊境謹闕梁塞蹊徑若失令非時以冬行春令則歲星之氣干之其色青則凍閉不密地氣上洩人多流亡蟲蝗為敗水泉咸竭人多疥癘胎夭多傷國多痼疾行夏令則熒惑之氣干之色赤而小昧則國多暴風方冬不寒蟄蟲復出其國乃旱雰露冥冥雷乃發聲水潦敗國時雪下降水凍消釋行秋令則太白之氣干之色大而不明霜雪不時小兵時起土

地侵削天時雨汁瓜瓠不成國有大兵白露早降

介姦為祿

音故天反時為災地反時為祿

四鄰入保若人君不明

獄訟寃滯則星亂行若君明臣賢獄訟允當則辰

小而光明國安道隆

天文總論曰辰星者真武之精主刑獄所在之宿欲

其小而明則吉大而光明則刑獄繁其性智宰相

廷尉之象四時先見出應期潤澤則歲豐民樂不

爾則水旱作沴獄訟不平色虛白有大喪規圓而

有暴水常見四仲春不晨見秋不夕見此期常也

春夕秋晨有見則高天勢然也其行附于日辰星

所在之國有權智用兵爲主人君當以冬時修德
政則辰星見伏以時順其常度若人君失德非道
縱恣外戚不禁則辰星失行伏見不時有芒角則
民多疾疫隨之以喪亡不昌

辰星行

天文錄天官書曰辰星仲春分夕出郊奎婁胃東五
舍爲齊仲夏夏至西出郊東井輿鬼柳東七舍爲
楚仲秋秋分夕出郊角亢氐房東四舍爲漢仲冬
冬至晨出郊東方尾箕斗牛居西爲中國

巫咸曰辰星出四仲以正四時和陰陽

春秋元命包曰政刑失簡宗廟廢祭祀故辰星不以
時出當寒反溫當溫反寒

荆州占曰辰星出不得其時當水反旱當旱反水若
刑罰不中辰星不以時出若辰星當入不入爲失

法律

文曜鉤曰當出不出謂之擎卒兵大起彘傑發

天官書曰辰星春不見大風秋則不實夏不見有六
十日早月蝕秋不見有兵春則不生冬不見陰雨
六十日有流邑夏則不長

天文志曰政緩則辰星不出急則不入非時則占

天官書曰辰星不出太白爲客其出太白爲主出而

與太白不相從野雖有軍不戰

若辰星出東方太白出西方若辰星

出西方太白東方爲格野雖有兵不戰

若辰星入太白中而上出破

軍殺將客軍勝下出客失地辰星來抵太白太白

不去將死正旗上出破軍殺將客勝下出客亡地

視旌旗所指以命破軍其環繞太白若與鬪大戰

客勝過太白間可城矧小戰客勝太白前軍罷出

太白尢小戰摩太白數萬人戰主人吏死出太白

右去三尺軍急約戰

孝經鈞命決曰天子失禮則辰星盈縮

考經右祕曰失信則辰星縮天下大水歲不豐熟

辰星退行

天文總論曰辰星退行一舍以其時出辰星出太南則太潦辰星出太北則太旱辰星移而南大水移而北則大旱辰星一南一北害於黍稷王侯有憂若人君內無仁義外多華飾辰星則失度不救則必有迷亂之謀其救也明賞罰審法度無縱逸求賢人廣恩惠則辰星順度

辰星光色

古月附

石申曰辰星當效而出色黃為五穀熟為福若辰星

色而小地動

天官書曰辰星黃而小而易處天下之災變不善
郊萌曰辰星見色白則中謀大泄

石申曰辰星當郊而出色黑爲水星圓吉

甘德曰辰星色黑芒天下無兵兵出有兵兵罷

巫咸曰辰星色蒼而白期六十日有喪

文曜鈞曰辰星色春黃夏赤秋青冬白有德令冬黃
而不明則變厥色其國不昌

荆州占曰辰星四時各如其色國有德

石申曰辰星黑角憂水有小戰

文曜鈞曰辰星出足主出兵

天官書曰辰星赤角犯我城黃角地之爭白角哭泣之聲

武客曰辰星青角憂兵俱有角即小戰

辰星休王色

天文總論申德曰辰星在冬曰王色比奎之大星精明有光冬至之時有芒在秋曰相其色精明無芒角不搖光在春曰休其色蒼黃微小無精光在夏曰囚其色黃小黑如不明在四季曰死其色赤小不明當其王時而有相色大臣專政令不行有休

色冬不冰有囚色冬無霜雪有死色冬雨霧日不明雷電行其留守也其國不祥其進舍也與五星合天下有謀其退舍也五星及之不可舉事用兵當其相時而有王色主弱臣強有休色政令不行有囚色秋不下霜有死色穀不成實雷電不藏其留守也其國破亡其進舍也五星及之不可舉事用兵當其休時而有王色是謂不祥人主政失大臣縱橫有相色將相君臣不和有囚色夏不雨大旱有死色六月疾疫傷責人有土功其留守也國多死小兒其進舍也與五星合天下有水災其退

舍也五星及之不可舉事用兵當其囚時而有王
色則夏兩霜雪蟄蟲伏雷電不行有相色秋有暴
兵有休色流水湯湯音傷水有死色有暴獄大臣
受其殃其進舍也與五星合有德令其退舍也五
星及之其下有國不可舉事用兵當其死時而有
王色貴人疾疫有囚色臣下疾病有休色廢人疾
疫有囚色大旱其進舍也與五星合其年不登其
退舍也五星及之國有兵不成行

辰星與歲星相犯

傳曰辰星與歲星相犯皇后相謀

大象旁通曰辰星與歲星闕其國有暴兵一曰天子

自將兵

古今注曰辰星與歲星離而復合合而復離之謂闕故星傳以爲水與木間人君視

戎服者此也

陳卓叙占曰辰星犯守歲星後宮有憂亦曰後宮有

哭泣事

古今注曰辰星與歲星相去七寸居之而去河之化守故星傳以爲水犯守木後

宮有哭泣事者此也

張平子通例曰辰星與歲星相會其國有水災

古今注曰

辰星與歲星光耀相連曰會故星傳以爲水與木會江河暴決者此也

古今星釋曰辰星薄歲星其國有暴兵亦曰有兵喪

又曰爲內亂爲大喪爲君臣改服

古今注曰辰星與歲星而休相

者曰薄故星傳以爲水與
木薄有大兵喪者此也

一行游儀後論曰辰星凌歲星其國有喪葬事一曰
後宮有憂又曰宮中更造殿宇百姓苦役爲亂

魏太和十一年十月己未辰星歲星合于氐占曰兵
起至十二年四年蕭歸將陳顛達等寇遼豫州刺
史元訢率衆禦之

陳宣帝大建十一年四月己丑辰星歲星合于東井
明年帝崩吳明徹敗于呂梁

辰星與熒惑相犯

傳曰辰星犯熒惑上妨太子孽

五月切

子下妨太尉

司馬辰星觸熒惑太子不安辰星與熒惑合為淬

亡內切
滅也

不可舉事用兵有軍有利先起為主勝

陳卓叙占曰辰星與熒惑相合其國有兵變亦曰軍

覆將亡

古今注曰水與火合為淬故星傳以為
水與火合不有破軍必有屠滅者此也

古今星釋曰熒惑與辰星相犯其國有兵喪若逆行

失度而犯之其下有走君亦曰有亡國又曰人君

去國百姓離鄉

張平子通例曰辰星居熒惑上曰凌水火相凌其下

有兵若逆行失度及變色凌之其野有哭泣事又

曰有陵廟土功勞民之事

晉安帝義熙三年六月辛卯辰星熒惑相犯在翼占
曰天下兵起至四年姚略遣衆征赫連勃勃大爲
所破

晉安帝義熙五年四月甲戌辰星熒惑相犯在東井
占曰皆爲兵起四月劉裕討慕容超六年二月滅
慕容超于魯地

後魏天賜四年六月辛卯辰星犯熒惑在翼至永興
三年五月長孫嵩征蠕蠕追之於牛川

辰星與鎮星相犯

傳曰辰星與鎮星會

光曜相

主令不行爲壅沮所在

國不可舉事用兵必受其殃覆軍殺將出兵亡地
入兵得地若有兵必戰客敗辰星與鎮星合於東
方辰星色白而大有兵於外列地相掠為和

甘德曰辰星犯鎮星夏寒雨雪妨女主

晉安帝義熙三年二月癸亥辰星鎮星相犯於奎婁
是時慕容超僭號於齊兵連徐兗連歲寇抄掠至
于淮泗姚興熈從僭號秦蜀

魏太和十三年二月戊戌辰星鎮星同與熒惑相犯
占曰兵事至十六年八月詔揚平平歸績左僕射
陸叡將七萬騎北討蠕蠕

辰星與太白相犯

傳曰辰星與太白合爲變謀爲兵憂辰星入太白中而上出破軍殺將客軍勝下出客亡地視旗所指以命破軍辰星環繞太白若與鬪大戰客勝辰星犯太白相敗

陳廢帝光大元年九月戊午辰星太白相犯占曰改立侯王至二年廢帝爲臨海王

陳宣帝太建十二年十二月癸酉辰星出太白金至甲戌二星相奄占曰太白在野明年帝崩始興王

叔陵作逆

辰星雜干犯

傳曰辰星伏見不時則斷不平也五星與辰星合爲將死與他星會爲害不相及爲不害與他星會而

闕天下大亂辰星與熒惑會爲淬

七內切淬者滅也

不利

先舉辰星與鎮星會爲覆軍若無兵在外爲內亂辰星與歲星相守降霜辰星守鎮星夏多霜秋多雨辰星與鎮星相守天下多喪有兵起辰星與月光相及其國有大水辰星入月中主人戰敗亡地辰星常候之於室角畢箕柳星其王行正緩則不效急則不入非時見則占占以不效有逆主人之

謀爲凶季孟皆爲不效

辰星與他星相犯

石申曰辰星與他星相合光遠爲害不相遠不爲害

古今注曰辰星與他星光耀相遠爲會二星會爲害不相會則不爲害

荆占州曰辰星與他星會破之刑事行他星不破刑

事不行

天文志辰星與他星遇而天下亂

石申曰辰星與星遇而闕天下亂

流星犯辰星

巫咸曰流星入辰星天下大水亦曰大理御史官多死

大象旁通曰流星觸辰星其國興大役又曰宮中營造以苦百姓有內亂

陳卓叙占曰流星抵辰星其國大水歲歉民飢餓釜

生魚百姓炊骨

古今注曰星流抵水其國大飢餓生魚其不安者可知也民炊骨其

不粒食可知可二者皆歲歉民飢之謂也

客星犯辰星

大象旁通曰客星凌辰星其國興土功以防水患亦曰有暴水橫入逆井邑又曰陸地爲津渡

古今星釋曰客星犯辰星其下有賊水入井邑一曰洪水入通衢

乾象通鑑卷第十八

河間府免解進士臣李李奉

聖旨編

紫微垣星論

紫微垣總序

歲星犯紫微

熒惑犯紫微

太白犯紫微

鎮星犯紫微

辰星犯紫微

客星犯紫微

彗孛星犯紫微

流星犯紫微

雲氣犯紫微

紫微垣總序

傳曰紫微垣一十五星並東西列環衛北極東蕃八
星西蕃七星皆蕃衛之臣其東蕃近闔闔門第一
星爲左驂拒第二星爲上宰第三星爲少宰第四
星爲上弼第五星爲少弼第六星爲上衛第七星
爲少衛第八星爲少丞其西蕃爲近闔闔門第一
星爲右駮拒第二星爲少尉第三星爲上輔第四
星爲少輔第五星爲上衛第六星爲少衛第七星
爲上丞

陶隱居曰星垣皆欲明大小有常則內精盛不明憂
垣直則帝子自將兵出征門闔則兵起宮垣兩蕃

正南開如門象者名曰闕闕門占有流星自門而出四野者當有中使銜命視其所往分野以論其事天文志曰紫微垣在北斗北一曰紫垣大帝之坐也天子之常居也主命主度也一曰長垣一曰天營一曰箕星爲蕃衛備蕃臣也宮闕兵起旌旗星直天子出自將宮中兵

一行將儀後論曰紫微垣星不欲直直則天子自出兵星欲均明而潤大小有常即吉星有怒角則內輔侵權垣間則衛兵暴起垣亡一星則有內變亡三星尤甚垣星俱亡則天下有更主

陳卓叙占曰紫微垣星均明潤則吉星垢相去遠
失故常及變色則天子禁兵起亦曰輔臣有憂

歲星犯紫微

天文別錄曰歲星入紫微垣天下有喜期百日有大赦
古今星釋曰歲星入犯紫微垣人主改一日有革政
陳卓叙占曰歲星犯紫微上宰主將相有憂若死亡
期一年

海上通占曰歲星犯上少弼則輔臣擅命一日臣下
逆上令

武容曰歲君逆犯守閭闔門期八十日有急兵若色

白有芒角大禍至

河圖遺書曰歲星逆犯紫微垣乘之久而不去去而復來乘之主人君有內憂

一行將儀後論曰歲星逆行失度入紫微垣國有毒佞誣君若成鈞己則其國有大喪

大象旁通曰歲星失本色逆犯紫微垣天子有憂若色白出怒角則有篡殺之禍

夏氏微言曰歲星逆犯上弼則弼臣有陰謀亦曰人君有憂

張平子通例曰歲星入紫微垣色黃潤天子安靖人

民悅豫期八十日有大赦若色赤青白黑及芒角
或先浮而數動搃者天下有更主

武密曰歲星犯紫微垣其國有大喪

陳卓叙占曰歲星逆行失度犯守紫微則有喪失

熒惑犯紫微垣

天文別錄曰熒惑逆行犯紫微垣天子受制于強臣一
曰有自立侯王

甘德曰熒惑入本紫微失本色及不循軌主臣殺君
一曰有立王

却萌曰熒惑入紫微垣其色白無芒角主天下饑若

變色入紫微中天下不安若退行不正天下起大
獄若當道而成鈞已則天下革命一曰更紀

古今星釋曰熒惑犯紫微在闕闔中則王者不寧朝
廷有憂

巫咸曰熒惑犯紫微闕闔右主大將死犯門右主小
將亡守門中久而不去或成鈞已者天下不安

大象旁通曰熒惑留紫微垣中君子惡之若守西蕃
第四第五星主大臣坐法若守第八星臣下

陳卓叙占曰熒惑犯紫微垣不由闕闔門入及不循
軌道又失本色主天子有憂若犯守西蕃第二星

主大臣受禍

一行游儀後論曰熒惑犯紫微垣留守久而不去及有怒角四出主大獄興陷忠良罪加無辜一曰天下恚謗

陳卓叙占曰熒惑失行抵紫微垣主宮禁有兵兵起一曰宮殿有火災

武容曰熒惑不循軌道入抵紫微犯中坐主人君失位天下大亂

晉懷帝永嘉三年正月庚子熒惑犯紫微垣占曰當有野死之王又為火災宮殿是時太史令高堂冲

奏乘輿宜遷幸不然無洛陽五年六月劉曜王彌
入京師焚燒宮殿執帝歸平陽從此天下大亂

太白犯紫微垣

天文列錄曰太白入紫微垣中主大臣相成賊王者
有內憂

古今星祥曰太白犯紫微逆行失度而又失本色變
犯留守主有大兵喪

陳卓叙占曰太白入紫微中則宮門當閉亦曰天子
親甲冑邪臣伏誅

石申曰太白入紫微西蕃大兵四起入天子廷若太

出紫微垣宮中有兵變

荊州占曰太白逆入紫微主天子自將兵亦曰禁衛
有兵變

武客曰太白不循軌道入留紫微垣有怒角四出主
有內亂亦曰宮中兵起若留中坐主有白衣會

一行將儀後論曰太白變色失度逆行紫微中近西
蕃主太臣受辱一曰輔臣坐獄

京房外傳曰太白經天逆入紫微留之久而不去去
則竟天不有亡國必有死君一曰天下更王

大象旁通曰太白從閭闔門入留守久之去則成鈞

已王者惡之一曰有兵起亦曰有白衣會

河圖遺書曰太白逆犯紫微垣主天子宮闕有變又
曰內有急兵

海上通占曰太白守紫微變色失行光芒乍東乍西
光浮而數動握主天子親戎服若近中坐其殃尤甚
夏氏微言曰太白經天守紫微垣主國有大兵喪亦
曰有白衣會

鎮星犯紫微

天文列錄曰鎮星入紫微天子有德令一曰天下有
大赦期八十日內

古今星擇曰鎮星逆犯紫微則女主擅政若逆奄西
蕃環繞而守之所中者有憂若死亡遠期一年

石申曰鎮星守紫微其下有國破亦曰大臣失職宗
社將亡

陳卓敘占曰鎮星出紫微西南為德事出紫微東方
為刑事若守之久及七十日以上者人君有憂又
曰鎮星守西蕃蕃謝之臣有憂

大象旁通曰鎮星入紫微垣迫東蕃輔臣有匿謀又
曰諸侯將叛則土入紫微西蕃

河圖遺書曰鎮星逆犯紫微東西蕃主大臣有奇禍

若逆東蕃及抵西蕃主將相戕朝廷危國家受禍
海上通占曰鎮星逆行失度又失本色犯紫微垣主
天下受制于強臣

辰星犯紫微垣

天文別錄曰辰星逆犯紫微垣天子當之一曰有內亂
陳卓執占曰辰星入抵紫微垣主大臣相殺天下多
怨謗

司馬彪曰辰星逆守紫微主後宮有憂一日天下大
水城邑爲水溺

武審曰辰星入紫微主後宮災或大水若變色失常

身通鑑卷之六
爲兵喪亦曰失水災

古今星釋曰辰星逆犯紫微垣四出怒角主王者有
憂若光浮而數搖動主天子殿亦曰大臣爭權
河圖遺書曰辰星守紫微東西蕃主大臣有憂若辰
星失行則大水入國門未稼不熟人飢糶貴

一行游儀後論曰辰星逆犯紫微垣出四角下東下
西下南東北主大臣坐法亦曰人君有憂

京考外傳曰辰星明大有芒角其國遠期一年其野
有死君若光芒四出犯中坐一曰國祚將亡

石申曰辰星逆行失度守紫微西蕃大臣以失職被

黜一日輔臣以弛事坐法

客星犯守紫微垣

荆州占曰國皇星入紫微垣兵起得地一曰客星入紫微垣國有大變兵起一曰人主有憂若客星色赤入垣天下亂入其中列大夫多罪者入其旁有亂臣

石申曰有星如拳正圓及如獸狀出紫微垣天子用璧賜諸侯王

荆州占曰有客星色赤黑入紫微垣從其陽入有客兵期六十日從其陰入有走王又曰客星色黃入

紫微垣人主益天下有喜期十日

石申曰客星守犯紫微垣有不臣

荆州占曰客星犯紫微垣有大喪亦曰有白衣會

武彘曰客星守紫微垣國易政

陳卓叙占曰客星犯東西左右驂樞人臣擅兵柄客

星犯上少宰當易宰相期一年客星犯東西上少

輔則擢臣被黜亦曰宰相有憂客星犯東西上少

衛則禁兵有急客星犯東西上少丞則奉臣有憂

河圖遺書曰客星犯紫宮大如挑及有怒角則有叛

臣在天子側亦曰小人在位有異謀

張平子通例曰客星入紫宮色黃潤則王者有喜慶
事亦曰透陸益土地色青白而有怒角則有叛臣
在君側色黑赤而芒角刃則輔有臣憂亦曰宰相
有疾

一行將儀後論曰客星入紫宮犯東垣上少宰則宰
輔有憂執政者惡之犯西垣上少輔則近臣有陰
謀犯西垣上少衛則禁兵火起客星直抵觸也內坐
星及守四輔色赤有芒角則有姦臣侍天子側亦
曰天子無出宮

漢宣帝黃龍元年三月客星居王良西指紫宮十二

月宮車晏駕

漢元鳳四年九月客星在紫微宮中占曰爲兵其五年發三輔郡國少年詣北軍

漢孝章帝元和元年四月丁巳客星晨出東方在胃八度長三尺歷閭道入紫微宮留四十日滅占曰紫微宮者天子之宮也客星入留多日爲大喪後四年歲帝崩

漢孝和帝永元十六年四月戊午客星出紫微宮西行昴五月壬申滅客星從紫微宮行至昴爲趙地至元興元年十月二日和帝崩殤帝即位一年又

崩無嗣太后遣使迎清河孝王子即位是為孝安
皇帝其鷹清河趙地

晉海西公太和四年二月客星犯紫微宮西垣至七
月乃滅占曰客星守紫宮臣教主六年相溫廢帝
為海西公

彗孛星犯守紫微垣

陳卓曰彗星入紫宮有奇令

黃帝曰彗星出而抵紫微宮天下大亂

荊州占曰彗星出紫微垣則下易政

感精符曰孛星干紫宮將有陰謀叛者

武客曰彗孛干犯宮垣有異王立也

陳卓敘占曰彗出紫微垣犯東蕃星則有內變亦曰
有陰謀逆上彗星抵紫微西蕃星則百官有憂亦
曰蕃衛臣有變謀

海上通占曰彗星光芒及尋丈直抵紫微垣則有自
立諸侯亦曰諸侯擅天子柄

張平子通例曰彗星抵紫宮犯內坐星芒角炁 火
焰則除舊實新之象亦曰天下有更王

河圖遺書曰彗星抵紫宮芒角自西蕃炁出東蕃禁
衛有變亦曰有內亂

一行游儀後論曰彗星抵紫宮芒角犯四內座即天下易攻亦曰蕭牆有變

晉武帝太始五年九月丙戌星孛于紫宮占曰爲兵
喪紫宮天子內宮十年武元揚皇后崩

咸寧三年七月星孛于紫宮占曰天下易王五年四月星孛于御女七月又孛于紫宮占曰外臣陵主
又紫微御女並爲王者明年吳亡是其應也

晉孝武太元十五年八月戊戌有星孛入紫微垣長
十餘丈占曰王者當之二十二年帝崩

後周武帝建德三年四月丁巳有星孛東北紫微宮

長七八至十月丙辰上幸同州始州民王鞅擁衆
反大將軍鄭恪討之

唐中宗景龍二年八月有星孛于紫微宮占曰孛者
非常之惡氣出于紫宮人君惡之至四年六月壬
午帝遇毒崩于神龍殿

流星干犯出入紫微垣

荊州占曰流星入紫微宮有兵喪水旱不調又曰使
星入紫微宮匈奴起兵

陳卓曰流星入紫微天下大亂若有奇令

石申曰流星出紫宮天子之使也色青言憂色赤言

兵色黃言土功色白言義色黑言水事皆以所住
之野命其國

荆州占曰使星出紫微宮有空國徙王又曰彗星出
紫宮其國若出

武彗曰流星自兩門而出入當有中使銜命視其所
適分野蕃而論之不依門出入者外蕃國使也出
則使出入則使之

陳卓叙占曰流星自紫宮出從闕闕門天子遣使出
視流星所之之野命其國若流星自外從門直抵
內座則有姦佞使入境亦曰王者左右有姦臣

河圖遺書曰流星從所抵觸紫宮則禁庭有憂若光
若此若炬火及色變者則王者惡之

漢昭帝元平元年流星入紫宮始出小入且大有光
入有頭聲如雷三鳴而止占曰流星入紫宮天下
大凶其四月癸未宮車晏駕

孝章帝建初元年二月九日甲寅流星過紫宮中長
數丈散為三滅占曰流星過入紫宮大人忌後四
年四六月癸丑明德皇后崩

唐武宗會昌六年二月辛丑夜中有流星赤色如挑
光燭地有尾貫紫微垣入焉

雲氣干犯出入紫微宮

荆州占曰有雲氣狀如鷄雖出紫微宮此子孫之氣
石申曰赤氣出紫微宮兵大起

荆州占曰赤黃氣潤澤入紫微宮天子有喜若氣出
紫宮中之子用錢賜諸侯若赤黃氣如帶出紫宮
中天子用錢金賜義女有黃白潤澤如劍氣入紫
宮天子有男喜狀如帶有婦女喜又曰黃白氣如
枉挽正圓入紫微宮天子有璧玉喜若幸臣有獻
女者若黃白氣出紫微宮中有立王

郊萌曰黃白氣如獸入紫微宮天子用畜賜諸侯又

曰黃白氣如旗起紫微宮上人大喜延年益算

司馬彪曰白氣出紫微宮有喪赤曰有兵

武審曰赤黃氣連兩蕃天子有喜黑氣入紫微宮兩
蕃國有暴兵

陳卓叙占曰有黑雲氣環繞紫宮東西垣則天下有
兵大若黑氣不入垣內則禍輕若黑雲氣直抵紫
宮掩抱內座者天子有憂

海上通占曰有黃白雲氣繞紫宮從門入犯御女史
柱史星則天子以珠玉賜美人有青雲氣如人馬
狀入紫宮則禁兵暴起有赤雲氣如獸狀入紫宮

入紫宮則王者有喜

夏氏微言曰有黃氣如蓋紫宮四精及北垣上盤履
繚繞不散天子有大喪慶亦曰天子生有青白如
足物回環紫宮外則後宮進美人有黑氣如龍如
虎直入紫宮不散仍蔽中坐者則天下有自立諸
侯亦曰天下改王

後漢建武三十年閏月甲午水在東井生白氣東南
指炎長五尺爲彗東北行至紫微宮西蕃止五日
不見占曰白氣爲喪有災作彗彗所以除舊寘新
紫宮天子之宮加其蕃除宮象後二年光武崩

乾象通鑑卷第十八

乾象通鑑卷第十九

河間府先解進士且李李奉

聖旨編

紫微垣內座統論

北極星論

鈞陳星論

天皇大帝星論

四輔星論

五帝星論

天柱星論

六甲星論

御女星論

女使星論

柱史星論

尚書星論

大理星論

陰德星論

北極星論

北極統占

客星犯北極

彗星犯北極

流星犯北極

雲氣犯北極

北極統占

傳曰北極五星在紫宮中北極北辰星最尊者也其
紐星天之樞也天運無窮三光迭耀而極星不移
故曰居其所而衆星拱之第一星主月太子也第
二星主日帝王也亦太乙之座謂最赤明者也第

三星主五行第四星諸王也第五星爲庶子也

黃帝曰極星盛人君吉昌不明則人君耗

考經援神契曰德至于天則北極明

禮緯含文嘉曰天子心正則北辰齊列

荆川占曰北極中央不明則主不用事右星不明太

子有憂左星不明庶子有憂

石申曰北極星明大數動極主好出遊色青微者皆凶

春秋文耀鉤曰極星亡期八年中國無君主天下大亂

天文志曰賈逵張衡蔡邕王蕃陸績皆以北極紐星

爲樞是不動處也祖極以儀準候不動處在紐星

之末猶一度有餘

石申曰北極五星在紫微宮中一曰天極一曰北極
一曰北辰第一星爲太子第二星爲帝第三星爲
庶子第四第五星爲後宮其占明大則吉慶變動
有憂

一行游儀後論曰自古星占論北極者多矣或以星
次所主不同晉天文志以紐星爲天極是不隨天
運莫移者也祖暅以紐星之末一度有餘爲不動
處是其異也石申以第三星主庶子星傳止主五
行石申以第四第五星後爲宮星傳以第四星爲

諸王第五星爲庶子考其所主相去雖不遠遠遊
以自古星變事驗推之石申之言理或然也如或
不然荆州占言左星不用則庶子有憂星傳分第
四第五星爲兩途諸王庶子後宮其名雖殊其實
一也故以申言之爲當後之占象者不可不知

客星于北出入北極

石申曰客星見北極帝王暴驚宗室大亂王者修郊
視親奉宗廟大赦天下則消災又曰客星入北極
天下道塞

荆州占曰客星入天樞人主有憂

黃帝曰客星出北辰天子出德令安天下若客星色赤出天樞天下兵盈野

却萌曰有客星赤大出北極所之之國大敗

黃帝曰客星干犯彗守北辰大人當之一曰大彗一曰有叛者

荊州占曰客星犯彗守太子星太子有罪犯彗守庶子星庶子罪若死又曰客星舍北極四夷來胡王有喪又曰守天樞兵聚一曰國有更君

武密曰客星出北極傍女主有謀又曰客星守北極天下憂國易政

陳卓叙占曰客星出北極紐星則天子惡之若色赤
有芒角則天下更王

河圖遺書曰客星乘守北極太子星

太子星謂北極第一星色

赤黃有怒角則太子惡之亦君嗣不昌

漢元鳳四年九月客星在斗樞北極間占曰為兵五
年六月發三輔郡國少年詣北軍

晉太熙元年四月客星在紫微垣占曰為兵喪太康
末武帝耽宴遊多疾病是月己酉帝崩

彗星干犯出入北極

荊州占曰彗入樞星名人起兵相誅天下大亂

武密曰彗孛干犯北極天下有大喪

荊州占曰彗刺天樞五精之類謀

天文別錄曰彗星本近北辰芒角怒炆垣外長可尋
丈者主有內變亦曰宮中有謀君者

陳卓叙占曰彗星出北辰奄太子則太子有憂若奄

庶子則庶子惡之芒角奄第四第五星則後宮有憂
河圖遺書曰星孛北辰紐星則王者惡之亦曰國有

大兵喪

海上通占曰彗星出紫宮尾貫北辰則天下有立王

亦曰自立諸侯

夏氏微言曰彗出北極紐星則君不用道臣下僭位
有篡奪之象

古今星擇曰北極天子之常居彗星貫北極則天子
有憂亦曰有白衣會

建安十一年正月星孛于北斗首在斗中尾貫北辰
占曰彗掃北辰人主易位其後魏文帝受禪

流星干犯北極

焦延壽曰流星入北極兵大起

黃帝曰流星出入北辰地動

荊州占曰流星入北辰主使至兵在外罷

武審曰流星入紫微宮外國有使貢珍王者流星抵
極星過者國易政流星出北極有使出大者大使
小者小使觸蕃屏不依門而出入外國之使各隨
方而命東西南北也

陳卓叙占曰流星過紫微北辰出紫微則天子遣使
受命出疆若流星自外入紫微宮貫北辰則外國
有使至雜白言兵色青言貨報色黃言貢珠玉色
黑有竊使色赤言喪亦曰言兵

河圖遺書曰流星抵北辰則光芒有聲如風雨狀者
後宮有叛謀亦曰庶子有憂

天文別錄曰流星抵觸北辰光芒奄紐星移時不見者天子有憂亦曰人君失道流星觸北辰紐星

古今星釋曰流星光奄北辰則使不達自內出者不達四方自外入者不達中國因其內外而言之

唐永徽三年十月有流星貫北極四年十月睦州女子陳碩真反婺州刺史崔義玄討之有星墜于賊營唐開元二年五月乙卯晦有星西北流或如彗或如斗貫北極小者不可勝數天星盡搖乃止星民象流者失所也傳曰星提民勞

荆州占曰蒼白氣天樞中兵起又曰黃白氣入天

樞中天下兵起天子賜諸侯王黑氣入天樞中大
人憂赤氣逆極出紫微宮宮中兵起黃白氣額走
獸飛鳥入紫微宮連極星神氣有喜黃白氣入紫
宮連入極星中宮有立諸侯黑氣抵太極座左右
諸臣死

海上通占曰青雲氣入紫宮繞天樞上盤覆不散者
天子憂困用有黃白氣乘北辰則天子自將兵有
黑氣奄北極則天下五穀不登水傷禾稼亦曰有
急兵

鈞陳星統占

鈞陳星統占

客星犯鈞陳星

彗孛犯鈞陳星

流星犯鈞陳星

雲氣犯鈞陳星

鈞陳星統星占

傳曰鈞陳六星在五帝上大帝之正妃也大帝之所居
樂緯執圖微曰鈞陳星主使宮

巫咸曰鈞陳星主天子護軍

荊州占曰鈞陳星天子大司馬也

陶隱居曰鈞陳星主天子六軍將軍又主三公三師也

星傳通鑑卷十九
紆謂曰鈞陳星盛天子之輔強小微則輔弱

荊州占曰主不用諫佞人在位則星不明

紆謂曰鈞陳星不見女主惡之

傳曰鈞陳星在五帝南將軍之象明吉暗凶

石申占曰鈞陳六星在五帝座南將軍之象其占明

潤則占星暗則凶

陳卓叙占曰鈞陳爲大帝之座後宮嬪御之象亦王

大帝之正妃星明潤則吉星暗則後宮有憂一星

不明則皇后失勢亡三星則女生惡之六星俱亡

則有女喪

客星犯鈞陳

石申曰客星蒼白色入鈞陳大司馬有喪出鈞陳軍
破將有憂若客星赤色入鈞陳兵亂大司馬死
出鈞陳大將有功若客星黃白色入鈞陳中天子
立大司馬出鈞陳將有不戰兵在外罷又曰客星
入鈞陳大司馬溺軍中則無咎

武審曰客星守鈞陳後宮有使欲謀若客星黃色出
鈞陳東旁有進美女者後宮有喜

陳卓叙占曰客星守鈞陳則後宮有新進美女亦曰
後宮有新寵嬪御

古今星擇曰客星象鉤陳不去及五十日色白有芒
角者後宮有妬色黑則有女喪

夏氏微言曰客星大如柰守鉤陳則大將受命出師
芒角下東下西者野有死柎亦曰有女主惡之

河圖遺書曰客星入鉤陳六星中乘之六十日不去
者賤妾入後宮亦曰有僭併入宮

隼星犯鉤陳

武家曰隼星干犯勾陳後宮有謀者一云近臣有憂
又曰隼星干犯勾陳傍後妃有謀

陳卓叙占曰隼星干犯勾陳則廢后亦曰女主惡之

古今星釋曰彗星犯勾陳在勾陳中則大將受戮亦曰野有死將

天文別錄曰星孛勾陳中後宮有妬忌亦曰後宮有匿謀又曰有非命美人

河圖遺書曰星孛勾陳光奄六星移時不見則皇后惡之亦曰后妃失寵

流星犯鉤陳

荆州占曰流星入鉤陳必有迫劫主者

武家曰流星貫鉤陳后妃有妬者流星出鉤陳後宮有憂

河圖道言曰流星入紫宮抵犯鈞陳則臣下凌上亦
曰有道迫主叛謀若流星自鈞陳中出紫宮則後
宮異謀亦曰后妃惡之

陳卓叙占曰流星自外入紫宮抵觸鈞陳者後宮爭
寵有匿謀亦曰女主竊君柄

後漢永元十六年十月辛亥流星起勾陳北行三丈
有光色黃鈞陳爲皇后流星出之爲中使後殤帝
崩無嗣鄧太后遣使迎清河王子即位是爲孝安
皇帝

陳宣帝大成二年四月乙丑有星大如斗出天厨流

入紫宮抵鈞陳乃滅占曰有大喪兵起將軍戮又
曰臣犯上有主憂其五月帝崩墮公執國政大臣
犯主之應趙王越王以謀執政被誅

雲氣犯勾陳

荊州占曰蒼白氣入勾陳中大司馬憂喪出勾陳軍
破將憂若赤氣入勾陳中大司馬戮死出鈞陳中
大將將有功黃氣入勾陳中天子立大司馬出勾
陳不戰兵在外者罷若黑氣入勾陳中大司馬溺
軍中則無咎

武審曰青氣入勾陳大司馬憂亦曰將軍惡之

和同天下太平國號未央

甘德曰天皇大帝一星在勾陳口中其神曰耀魄寶
占曰星不明則吉星明大則凶

一行游儀後論曰天皇大帝星得常則隱而不顯失
常則出而有光其占主天子位得常則吉得常則
天子有憂甘德所謂不見則吉見則凶是也

古今星釋曰天皇大帝星本無占法過見則爲變明
大則爲失常所以候者候其見也故本無占法

客星干犯天皇大帝星

武家曰客星干犯天皇大帝座除舊布新之義國易

政若客星守天皇大帝宮中有謀

古今星釋曰客星守天皇大帝星則國有更王亦曰
不有亡國必有死者

海上通占曰客星乘天皇大帝星七十日不去則天
子有憂又曰凡候天皇大帝星但候勾陳口中星
視其有無以爲準若客星守勾陳口中是犯守天
星大帝星客星交犯所主宜如何處故辨異論曰
自外由漸而犯守爲守勾陳內忽見乘守者是
犯天皇大帝星也

彗守干犯天皇大帝星

武密曰彗孛干犯天皇大帝座大臣謀叛以家坐罪
陳卓叙占曰彗孛出天皇大帝座芒角純外者則精
臣謀逆不成亦曰有逆謀匿謀之者敗

古今星釋曰彗本在外怒角抵天皇大帝座則天子
無出宮內有匿謀亦曰人君失位

河圖道書曰星孛天皇大帝座則王者有憂亦曰天
子有疾

夏氏微言曰星孛天皇大帝座天子不安社稷傾覆
流星干犯天皇大帝座

武密曰流星干犯天皇大帝座國有憂

陳卓叙占曰流星自外抵天皇大帝座則神器有憂
亦曰神器失守

海上通占曰流星自內座外抵他星則王不安其位
亦曰內有姦使

古今星釋曰流星干犯天皇大帝座芒角耗若炬大
則王者受辱諸侯不受制亦曰諸侯自立

雲氣干犯天皇大帝

武密曰雲氣入紫微宮犯蒼帝座潤澤吉黃白氣入
紫宮連大帝座臣有獻美女者又曰臣有獻貢出
天皇大帝上者有立王者

陳卓叙占曰蒼白氣若尺練竟天卷天皇大帝座者
則天下有憂變有黃氣在帝座側不側散天子有
喜慶事亦曰邊陲益地有赤氣如人狀侍帝座側
則外國有進美女者

四輔星論

四輔星統占

客星干犯四輔星

彗孛干犯四輔星

流星干犯四輔星

雲氣干犯四輔星

四輔星統占

傳曰四輔四星所以輔佐北極而出度授政也

陶隱居曰四輔抱北極樞主君臣政禮萬機也

甘德曰四輔爲輔臣之位協贊萬機

鄭萌曰四輔星去君臣失禮輔臣有誅者

武家曰四輔星光浮而動則凶占曰其小明即吉君

臣道同暗則不理大則凶臣逼君

河圖遺書曰四輔四星乃象天子之輔臣也星不欲

大明有芒角則臣逼君星欲小明而黃潤尊卑列

而辨上下叙而理一星有芒角則輔臣竊賞罰有震主之威

星俱大明而有怒角則輔臣竊賞罰有震主之威

陳卓叙占曰四輔緊抱北極爲贊協天子出度授政

也星圻則臣下有離心離德星失常而就聚則輔
臣有合謀逼主一星亡則輔臣受刑亡二星則宰
相有憂三星亡則大臣失勢四星俱亡則大臣受
誅以家坐罪

客星干犯四輔

武憲曰客星干犯抵四輔主三公大臣憂一曰宰相死
巫咸曰近臣有憂則客星犯四輔

陳卓叙占曰客星抵觸四輔則三公宰相惡之亦曰
有被點宰相

夏氏微言曰客星乘守四輔大如枉留之不去六十

日則輔臣有憂色若星色赤黃則有受辱大臣色蒼白則有兵死輔臣色黑則宰相犯極刑

彗孛干犯四輔

武家曰彗孛干犯四輔權臣有戮者責相當之

石申曰彗星犯四輔則法令臣誅者一曰人主恩之

謂四輔抱北極者也彗犯四輔光及北極所以人主恩之

陳卓叙占曰彗本在四輔側光芒比外則責臣受戮亦曰幸臣有憂

古今星釋曰四輔者抱北辰之星也彗星干四輔而光及北辰則天子有憂人臣易位亦曰輔臣有以

罪坐者

流星干犯四輔

武密曰流星入抵四輔宰相黜不然有憂流星出四輔宰相出使橫貫蕃屏外國之使也

河圖遺書曰流星入抵四輔彗星不見者宰相繫獄若流星自四輔中出貫東西蕃垣則宰相受命出彊光於四散者使不達四方

海上通占曰流星入觸四輔臣當之若光色如練則宰相被黜

雲氣干犯四輔

武家曰黃白氣入四輔相有憂出四輔宰相病失位
不然則死

陳卓叙古曰黃氣繚繞四輔而不卷久而不散者宰
相進秩亦曰天子賜宰相爵祿

古今星釋曰青赤氣如戟狀入四輔中則輔弼之臣
爭權黑氣貫四輔則輔臣死

五帝座星論

五帝座星統占 客星干犯五帝座星

彗孛干犯五帝座星 流星干犯五帝座星

雲氣干犯五帝座星

五帝座星統占

傳曰五帝座五星在華蓋下覆大帝也色正主吉若變色則爲災

石申曰五帝內座在扛下華蓋東其占明正吉變動爲災此齊秦之具以備宸樞

星傳曰五帝座在勾陳之北華蓋扛下華蓋之東明潤則吉變動爲災

海上通占曰五帝座五星一星不明則天子下殿五星俱亡則有更王星不欲欬則王者惡之

天文別傳曰五帝座爲天子居處燕息之所貴明潤

不喜欬側占色依常則天子有德以福天下色變
星暗則天子不安社稷傾覆

客星干犯五帝座星

邾誦曰客星犯五帝座有臣犯主

武容曰客星犯五帝座大臣受誅又曰易攻

陳卓叙占曰客星犯衆五帝座則下臣逆上今不行
亦曰臣不受制于天子

古今星釋曰客星守帝座則臣下逼主又曰有逆謀
河圖遺書曰客星自外直抵五帝座則天子有外憂
亦曰君側有姦佞

彗孛干犯五帝座

武密曰彗孛干犯五帝座人民飢官廟徙治大臣憂
期三年又曰兵起宮門宗廟有憂

海上通占曰彗出五帝座則有除舊實新之象亦曰
王者當之

河圖遺書曰彗星出五星帝座則姦佞在君側賢人
退位不得進人主失權

流星干犯五帝座

武密曰流星干犯五帝座兵起大臣謀叛又曰主移
宮室若流星出五帝座幸臣自殺不則有誅戮

陳卓叙占曰流星直抵五帝座則帝臣失勢又曰大臣有憂

河圖遺書曰流星出五帝座則天子失宮亦曰王者思之流星抵觸五帝座呈俱不見則有更王亦曰有白衣會

雲氣干犯五帝座

武家白黃氣入五帝座者不出六十日太子即位亦黃氣出黃五帝座人君不喜當立宗廟

陳卓叙占曰有蒼白氣奄蔽五帝座禁衛有兵變

夫柱星論

天柱星統占

客星干犯天柱星

肆字干犯天柱星

流星干犯天柱星

雲氣干犯天柱星

天柱星統占

傳曰天柱五星在東垣下主建政教懸法國門內常以朔望日懸禁命於天柱以示百官

甘德曰天柱五星在紫微垣中近東北隅主宗廟大臣周禮以正歲之月懸圖法於象魏此之謂也

星讚曰天柱立正朔望書也星明則天下安書同文

車同軌四海治平下民康悅

古今星釋曰天柱星則明政教行星不明則禮樂不
典刑罰不中

海上通占曰天柱一星不明則正令不施三星不明
則下民不從今五星俱亡則刑罰失中天下無法度
河圖遺書曰政教失則天柱拆禮樂具則天柱明

客星干犯天柱

武密曰客星干犯天柱國中有賊客星守天柱主移
宮室天子大臣有憂之象

陳卓叙占曰客星犯天柱則宮闕有驚虞亦曰人臣
憂主

夏氏微言曰客星乘天柱則有姦臣害政教

彗孛干犯天柱

武密曰彗孛干犯天柱臣叛主王者惡之

黃帝曰彗孛干犯天柱天子易宮亦曰天子下殿

古今星擇曰彗出天柱則人君失教令臣下不奉君政
陳卓叙占曰星孛天柱則君失道天下大亂

流星干犯天柱

武密曰流星抵天柱宗廟不安亦曰宗社有虞

巫咸曰流星抵天柱君有憂

古今星擇曰流星抵天柱彗星不見則人主有憂亦

曰人君惡之

石申曰流星抵天柱三公當之

古今星釋曰流星抵天柱星不滅則大臣或三公當之
之涉害淺也

陳卓叙占曰流星抵犯天柱則臣下有犯上政令不
奉王法亦曰禮樂征伐不自天子出

雲氣干犯天柱

武家曰赤黃氣入天柱天子喜封廟陵之事

石申曰黃赤氣出天柱天子受喜三公受爵黑氣入

天柱三公薨一云將相死

古今通例曰有黑氣繞天柱王者政令不施于下亦曰上下之情不通天下有冤獄

六甲星論

六甲星統占

客星干犯六甲星

彗孛干犯六甲星

流星干犯六甲星

雲氣干犯六甲星

六甲星統占

傳曰六甲六星任華蓋扛傍主分陰陽化時節候出入故在帝傍所以布政教而授農時也

武家曰六甲星明則陰陽和不明則寒暑易節也星

六則水旱不時

河圖遺書曰六甲六星在羊蓋扛之西臨紫微垣西
着近帝座旁主分陰陽寒暑正四時節令也人君
視此以布特政因此以授民事星明潤則陰陽和
寒暑節星暗則有愆陽有伏陰萬物不由其道者
天文列錄曰六甲六星一星不明則寒暑失序

一行游儀俊論曰六甲星不明則六子之功虧一星
亡則一氣失時六星俱亡則六氣不備四時失序

客星于犯六甲星

武密曰客星色赤守六甲主旱若客星色黑守六甲

主水災星色白守六甲人多疾疫

夏氏微言曰客星色青黃守六甲星則大臣不能變
變理陰陽愆忒若水若旱天下民飢

河圖遺書曰客星守六甲色黃潤則天下糴賤五穀豐
一行游儀後論曰客星守六甲黑色則太史受誅術
士犯上

彗孛干犯六甲

武憲曰彗孛干犯六甲女主出政令又曰君惑圖史
荊州占曰彗星入六甲則日月蝕

古今星釋曰彗孛干犯六甲則政教失國異政上下

之情不通亦曰人臣竊主權

海上通占曰彗星本在六甲星中於角炸出侵帝座則大臣有叛謀陰陽倒置即候失序天下大亂

流星干犯六甲

武密曰流星干犯抵六甲術士誅

巫咸曰流星貫六甲廢太史令或水滂不節一日流星犯六甲農廢寒暑相反一日大旱

陳卓叙占曰流星抵六甲太史令竊干時政鼓惑衆心一行游儀後論曰流星貫六甲則正朔易四夷陰陽失序天下災疫

雲氣干犯六甲

武家曰黃雲入六甲術士與蒼白雲繞入六甲太史
官受賜爵祿

陳卓叙占曰黃白氣入六甲則太史令得君青白氣
出六甲則術士有姦謀黑氣貫六甲星或明或沒
則天下惑邪道

御女星論

御女星統占

客星干犯御女星

彗孛干犯御女星

流星干犯御女星

雲氣干犯御女星

御女星統占

傳曰御女四星在大帝北御女宮八十一御女妻之象也
武密曰御女星明多有內寵者不明則無

陳卓叙占曰御女星明大則後宮多內寵四星就聚
則後宮爭寵一星亡則殯御失勢四星俱亡則後
後宮尊早失序多怨謗

一行游儀後論曰御女在勾陳南為殯御之象不欲
明明則內寵盛多暗則後宮失序黃潤而小明乃
其常也得帝則後宮有序子孫衆多遇變則後宮
有憂

客星干犯御女星

武密曰客星干犯御女後宮有欲謀者一曰有自殘
又曰客星守御女後宮有廢者不然有女客入宮
有謀

陳卓叙占曰客星色黃入守御女星則外國有進御
美女者若色黃而有芒角則天子寵及賤妾色青
黃而有怒角則有倡俳入宮

彗孛干犯御女星

武密曰彗孛干犯御女後宮當小誅戮者又曰彗孛
出御女後宮欲謀其君者

陳卓叙占曰彗星出御女星則嬪御有犯法者亦曰
後宮有匿謀

河圖遺書曰星孛御女星中則後宮有兵起亦曰有
兵喪

晉武帝咸康五年七月有星孛御女占曰大人當之
明年吳亡

流星干犯御女星

武容曰流星抵御女後宮有黜者又曰流星抵御女
後宮有賞賜邊將者流星入御女外國有進美女
者流星出御女後宮有廢者

古今星釋曰流星出御女後宮有失寵美人亦曰後宮有憂

陳卓叙占曰流星入御女則有新寵美人亦曰有新進美女

雲彙干犯御女星

武密曰黃白彙入御女後宮有寵者亦曰有子喜赤黃彙入御女后妃有受賜蒼白彙入御女後宮多病陳卓叙占曰有黃彙入御女宮女主受爵祿亦曰後生太子

河圖遺書曰有青白彙出入御女中及凌奄不散則

後宮有憂

女史星論

女史星統占

客星干犯女史星

彗孛干犯女史星

流星干犯女史星

雲彘干犯女史星

女史星統占

傳曰女史一星在柱史北主婦人之微者主傳漏故
漢有侍史

陶隱居曰女史主記禁傳漏動靜明暗之事

一行將後論曰女史一星在柱北史掌人君功過星

明潤則史直星暗則史多譎諛亦曰婦人之官掌
宮中之事明則吉星暗及變色則凶

客星干犯女史星

陳卓叙占曰客星干犯女史星則宮中有匿謀亦曰
後宮有狂巫惑衆

一行游儀後論曰客星色赤犯女史星則後宮有犯
法嬪御亦曰有美人狂惑作祲言

彗孛干犯女史星

陳卓叙占曰彗星本干犯女史則後宮有坐法美女
亦曰宮中有異謀

河圖遺書曰星孛女史則宮嬪失序亦曰女主有憂

流星干犯女史星

天文別錄曰流星干犯女史則有外至美女作祇

音祇

言惑衆情亦曰有新寵美女干政

一行游儀後論曰流星干犯女史星則後宮傳漏失
時姦邪入內亦曰姦邪鼓惑宮女

雲集干犯女史星

天文別錄曰有黃雲集入女史星則後宮有新寵美
女亦曰女主侵國政又曰后妃生子若黑集入女
史則後宮有失寵美女亦曰女主惡之

柱史星論

柱史星統占

客星干犯柱史星

彗孛干犯柱史星

流星干犯柱史星

雲彙干犯柱史星

柱史星統占

傳曰柱史一星在北辰東星讚曰柱史記過密移東
厨古者有左史記事此之象也厨書藏也

武密曰其星明為史直詞不明反是也

陳卓叙占曰柱史星明則言路不塞上下情達天下
無怨言庶人不讓星暗及變色則邪佞在位諂諛

姻天子

海上通占曰柱史星明大而有怒角則諫臣徇私情
亦曰圖書有火災

客星干犯柱史星

武密曰客星干犯柱史有受賜金玉者客星守柱史
史有黜者

陳卓叙占曰客星干犯柱史色黃則有諫官受賜子
亦曰言官直色青白有怒角則諂諛者在位

彗字干犯柱史星

武密曰彗字干犯柱史星太子憂又曰彗星出柱史

百官多無黜退御史有刑法

海上通占曰彗孛干犯柱史星御史被黜又曰言路
塞諫官受誅

海圖遺書曰彗孛干犯柱史星芒角炸若火炬則天
子誅言官

流星干犯柱史星

陳卓叙占曰流星干犯柱史星則左右史有讒言色
黃則史直色白則史佞色青則多譎諛色黑赤而
有怒角則言路不通民多怨謗

雲氣干犯柱史星

武密曰黃彙入柱史人君賜其爵祿于左右史

石申曰蒼白彙入柱史左右史死黃白彙入柱史史

官遷

武密曰黃彙入柱史君自示其咎雜以白彙君有過
史官不敢言

尚書星論

尚書星統占

客星干犯尚書星

彗孛干犯尚書星 流星干犯尚書星

雲彙干犯尚書星

尚書星統占

傳曰尚書五星在垣東南維主納言夙夜諮謀龍作
訥言此之象也

武密曰動靜與四輔不殊

古今星釋曰尚書星主協贊萬機輔弼人君之象也
星明大則臣下竊主柄星小明則吉星有芒角則
臣逼君

陳卓叙占曰尚書星光浮而動則凶星小明而黃潤
則君臣同道一星有芒角則臣下受制于君五星
俱有芒角則大臣有叛謀

客星干犯尚書星

武密曰客星干犯尚書左右僕射菴不然則有黜
古今星釋曰客星干犯尚書星三公大臣惡之亦曰
輔弼死

陳卓叙占曰客星干犯尚書星大如枉留之不去及
五十日輔臣有憂色青赤則大臣受辱亦曰有被
黜宰相

彗星干犯尚書星

武密曰彗星干犯尚書八座官有謀叛不然太子有憂
陳卓叙占曰彗星干犯尚書家事坐罪者

海上通占曰彗星干犯尚書星則權臣有受戮者亦

曰貴相惡之

古今星釋曰舊本出尚書中先世指內坐則天子有
憂亦有內變

流星干犯尚書星

武密曰流星抵尚書人君不納忠諫官黜退又曰流
星入尚書八座有憂不然出官又曰流星出尚書
出使

古今星釋曰流星抵尚書星貴臣出使橫貫蕃屏外
國有使來

河圖遺書曰流星入抵尚書星奄五星俱滅則輔臣

受誅

雲象干犯尚書星

武密曰黃雲象入尚書八座官皆受賜黑象入尚書
有掌刑法尚書坐罪期百十日赤雲入尚書有出
鎮者

陳卓叙占曰黑象入尚書星則大臣有叛謀亦曰弼
臣不受制于人君

大理星論

大理星統占

客星干犯大理星

彗星干犯大理星

流星干犯大理星

雲集干犯大理星

大理星統占

傳曰大理二星在宮門左主平刑斷獄也

陶隱居曰大理星主刑獄之事星不欲明明則天下有冤枉

武密曰大理星明則刑有冤酷亦曰天下起大獄古今星釋曰大理星坼而有光芒動搖者則枉法及良善亦曰罪加無辜

陳卓叙占曰大理星明則天下興大獄星就聚則有貴人受冤亦曰貴臣受刑

古今星釋曰大理星小明而黃潤不動搖則天下獄訟平刑罰中

客星干犯大理星

武密曰客星干犯大理有貴人下獄色黃遇赦色白受戮色赤黃無罪客星守大理則有刑獄冤滯者不然則刑獄之官有黜也

古今星釋曰客星干犯大理星則有大臣受冤獄亦曰貴臣受刑

陳卓叙占曰客星色黃干犯大理則刑獄官受賞亦曰刑罰措而不用

彗孛干犯大理星

武密曰彗孛干犯大理大臣以家事下獄坐罪者期
八十日遠百二十日若彗孛出大理刑獄之官有憂
陳卓叙占曰彗孛干犯大理則貴人犯法彗本出大
理光炁他星以所富星命假令光衝尚書星則
輔臣受刑光滅柱史則史官繫獄以此命其所當
星也

流星干犯大理星

武密曰流星干犯抵大理刑獄之官憂流星出大理
刑獄之官出使一曰流星抵大理決獄不平法官

有黜

河圖遺書曰流星干犯大理星執法者憂若流星抵
觸大理星不見則刑獄濫及無辜執法者非其人

雲氣干犯大理星

武密曰黃白氣入大理刑獄之官受遷

巫咸曰黃白氣入大理有大赦黑氣入大理決獄不
平刑法官當受黜

陳卓叙占曰青氣入大理則刑罰不中蒼白氣出大
理則法官有憂

陰德星論

陰德星統占

客星干犯陰德星

彗孛干犯陰德星

流星干犯陰德星

雲氣干犯陰德星

陰德星統星

傳曰陰德二星在尚書西主周給賑撫

陶隱居曰陰德主天下紀綱陰德遺惠問賑給之事
焦延壽曰陰德星明太子立或有女主治天下者
宋均曰陰德星常微命令着明者

赤運圖曰陰德戒聖人絕紀

天文別錄曰陰德星不欲明大小明而黃潤則吉有

芒角則紀綱不振乍東乍西而動搖不定者天下有飢民

河圖遺書曰陰德星拆則天下怨謗不能振給百姓亦曰天下有離心

陳卓叙占曰陰德星就聚則有女主干政一星亡則紀綱法度廢而不舉兩星俱亡則國祚亡亦曰棄祀客星干犯陰德星

武密鑑曰客星守陰德大發賑給又曰大旱民飢流者丰

陳卓叙占曰客星干犯陰德星則國用匱乏糴貴百

姓飢

河圖遺書曰客星抵額陰德星則天下旱荒民有菜色亦曰五穀不登

彗星干犯陰德星

武密曰彗星干犯陰德太子有逆謀又曰彗星出陰德後宮與太子有連謀

古今星釋曰彗星干犯陰德星則宮中有異謀亦曰太子干政

河圖遺書曰彗星干犯陰德星則後宮叛謀一曰女主與太子連謀

流星干犯陰德星

武密曰流星抵陰德星，人君賞罰政令，行又曰流星入陰德，大臣有掌錢數者黜之。

陳卓叙占曰：流星抵陰德星，則人君惠德不施，恩澤不及下民，多怨嗟。若流星出陰德，則錢數匱竭，國用乏。

古今星釋曰：流星奄陰德星，不見則太子有憂，亦曰後宮有逆謀。

靈象干犯陰德星

武密曰：黃象入陰德，天子有喜。一曰：諸侯受賜，黑青。

彖出陰德太子有憂

陳卓叙占曰黃氣入陰德國用豐富天子賜予諸侯
河圖遺書曰黑氣入陰德則後宮有變亦曰天子有
憂

十九